

勉益齋續存稿卷四

目錄

試畢勛多

訓蒙士

勸捐修學

酌定章程

議駁總卡委員江漢二縣校鋪取結詳

府縣試卷存冊災化以惜字紙諭

議捐恤孤局不敷經費詳



勉益齋續存稿卷四

目錄

武昌

試畢勗多士示

訓蒙十二條

勸捐修隄工示

酌定章程清理積案檄

議駁總卡委員請飭江漢二縣按鋪取結詳

府縣試卷存留焚化以惜字紙諭

議捐恤孤局不敷經費詳

勉益齋續存稿

卷四 目錄

武昌府恤孤局後記

袁印川等呈批

罪疑惟輕說

飭發罪疑惟輕說檄

議捐職貢監特符興訟應先驗執照以清訟源

而杜假冒詳

會議籌借本銀循環糴糶詳

請川南各府廣招米商嚴禁遏糴移

請諭飭漢商年終賙恤貧民稟



議暫設留省局稟

籌議修堤疏河經費稟

二年十月

士以德進以事舉而不能不以言揚言者本于德
微于事者也故曰乃言底可績夫制義取士始於
明天下推湖廣江西為盛至漢陽黃岡導

朝名家之先路百餘年來天懷中玉家抱隋珠真
不才之淵數矣本府承守是邦已經數載無日不以
植人才為務取有試事於屬文字以江夏興
為最武昌

並益齋讀存稿

卷四目錄

武昌

表印

罪疑惟輕說

飭發罪疑惟輕說檄

議非職員監待符與訟應先驗執照以清訟源

而杜假冒詳

會議籌借本銀循環釋詳

籌請給與施西縣費稟嚴禁過糶移

請會勘留省稟購恤貧民稟

勉益齋續存稿卷四

道光十三年十月

試畢最多士示

取士以德進以事舉而不能不以言揚言者本于德而徵于事者也故曰乃言底可績夫制義取士始於前明天下推湖廣江西爲盛至漢陽黃岡導

本朝名家之先路百餘年來人懷卞玉家抱隋珠眞人才之淵藪矣本府來守是邦已經數載無日不以培植人才爲務頃府試畢校閱十屬文字以江夏興國爲最武昌咸寧次之嘉魚蒲圻崇陽大冶通城以

勉益齋續存稿

卷四

武昌

一

次競爽至通山而人數較少然觀其風氣漸開百三十七卷中紅勒者才三卷耳大抵胸無滯礙筆氣清通十年之後文風必盛三十年內必有名人蔚起此可以風氣覘之至其驗與不驗則存乎其人之學與不學而已通山如此而等而上之至於江夏興國又不言而可知也時俗於府州縣試輒以得列前十名者爲榮此大不然夫一州一縣之雋豈得以十人爲限哉今本府通閱十屬之文因地取材多者百餘名少者五六十名最少亦二三十名皆堪造就原未嘗

限以十人且初二三場每場二千餘卷本府政務殷繁何能盡行披閱不能不令幕友分校其分校者每日四五百卷五色目迷其中豈無遺珠是多士尤當以本領自信不當以偶爾落後遂頽其志氣不自激昂也然本府有憾焉者以此地多才本府望之甚奢謂必能湛深於經藉奧博於子史醇茂於兩漢馳騁於晉魏唐宋卓然各成一家而細審多士所養大抵不過從時文中討生活求得古文筆意者已自寥寥至於根柢性情經緯史者曾不數見其去其鄉先生大人何其遠也毋亦爲父兄師友者計未深遠徒欲子弟之速成未暇澄清其原本非無玉馬金舟材雖美而不切於用甚至別風淮雨形雖似而半失其真以此問名良堪惋惜今將與多士言讀書之法謂六經當如何味義諸子當如何取精諸史當如何撮要古文當如何取法制義律詩當如何入手如何進步如何簡鍊以爲揣摩則諸鄉先生大人遺法具在諒多士亦家有流傳買井水於江邊適足爲笑且事有本末不可不講也夫言者心之聲也古之聖賢未

勉益齋續存稿

卷四

武昌

二

嘗有意爲文而其文萬古常新蓋皆根心而發故坐而言之卽起而行之信而有徵而後足以傳世苟不取聖賢之言身體而力行之使其心實有所得則雖日日讀書甚者能剽竊經義飾爲文章以取巍科登臚仕而性術未醇事功必雜何足爲青史增光況昔之無行而能文者類有絕人天分而不善用之以致如彼今天分旣不可強而欲以鹵莽之心談聖賢之義無實之華其能茂哉夫不可強者才也而必可勉者德也德立而言從之是以才華之文終不如性情

勉益齋續存稿

卷四

武昌

三

之文聖賢未嘗不好文而教人必以修德爲急德者文之本也顏子以敏得之曾子以魯亦得之苟不修德而修文則遲鈍者終歸廢棄卽穎悟者亦不免流於輕浮殊非天地生才之心也夫修德無他亦取聖經賢傳返求諸身而已矣經傳之旨雖多而其要不過敬以直內義以方外得其要則凡天人性命之微典章名物之著一一皆切於吾身以此立言則四子五經皆我註脚百家諸子受我陶鎔此根柢之文其所爭者可以一念決之愚者可以開明敏者得以沉

著天下用力之捷得效之速未有踰於此者先儒有
言曰今之學者移學文藝于仕進之心以收其放心
而美其身則何古人之不可及哉本府則以爲仕進
有命不可干也如好文藝則莫如培其根以沃其枝
果能代聖賢立言則其言終不可廢德旣崇業旣廣
而功不見於當時名不施於後世者未之有也有志
之士盍取而思之是本府所厚望也

勉益齋詩編

卷四 武昌施昌

四

之士盍取而思之是本府所厚望也
而世不具欲當執事不敏欲於世者未之有也
果能外聖賢立言則其言終不可廢德旣崇業旣廣
而美其身則何古人之不可及哉本府則以爲仕進
有命不可干也如好文藝則莫如培其根以沃其枝
言曰今之學者移學文藝于仕進之心以收其放心
著天下用力之捷得效之速未有踰於此者先儒有

訓蒙十二條

道光十三年十月

癸巳十月武昌府試畢凡十屬子弟正試補試者八千餘人可謂盛矣通闕多士文藝雖工拙不齊而其才情筆氣多堪造就余旣爲之誥告勗以根本之務而尤念教以先入爲主如必待成人而後教則其時已晚古之教者始於家塾而後黨庠州序國學以次而升古之鄉先生鄉大夫老於家必朝夕坐於塾以教其鄉之子弟以爲論秀書升之本故其時俊彥蔚興皆足以翊贊謨猷光輝鐘鼎夫家塾所教皆童子勉益齋續存稿

卷四

武昌

五

也今其教法雖無全書然如曲禮少儀內則弟子職諸篇固已具其大略朱子嘗搜集羣書爲小學其有功於蒙養甚鉅縉紳之家類亦能尊信其書使子弟讀之但恐徒讀其書而不使之身體力行則讀與不讀等耳余守此土以身任教養之責而其勢不能家喻而戶曉也况將教童子於家塾之間乎顧此心殷然不能自己爰約六經之旨酌古今之宜撰爲訓蒙十有二條刊而行之不啻耳爲之提面爲之命抑使家有指南相茲而趨於聖賢之路其中讀書明理皆

以充養德性爲主蓋猶朱子之意而兼及制義律詩
書法亦非與朱子違也誠以學者拜獻先資於此而
苟不出於德性則先資已僞又將何以事君且將何
以建樹於天下余平生不以文事擅場亦非其所能
擅場故其所論文事大略與衆人同要其根柢所自
出必載道而後謂之文則雖聖人復起不易吾言也
教子弟者如果願其子弟有所成就則請取余言而
嘗試之下以昌祖宗燕翼之詒上以荷

國家龍光之錫則庶幾區區翼教之微意云爾

勉益齋續存稿

卷四

武昌

六

一慎擇蒙師

凡擇師必以品學兼優爲上凡爲父

兄者皆知爲子弟擇師乃獨於蒙師而忽之此未之
思矣夫惟成人者天質醇美胸有皂白乃能擇其師
之善而不從其師之不善若尙未成人渾然無識一
從其師則其師之一動一靜一語一默無論善惡皆
心焉識之馴習既久便與性成一生成敗於此定局
所從一失後雖欲救之而不能是故擇蒙師者品行
尤重學問次之語言之益淺觀摩之益深也此訓蒙

第一義也

一保養良知 凡資質有敏有鈍者蓋氣使之然要其良知則初無敏鈍之別也藹然四端因其所發而善導之則天光自見讀書亦易得解蓋聖經賢傳固皆本生人固有之良而爲之滌盪者也稍有知覺便當教令立志務要做宇宙間第一等人物所謂第一等人物又祇此庸德庸言舍此則雖有奇才異能皆屬下流此志一定則眼界自高胸境自濶見解自然不凡悟性自然超妙惟工夫次第當從容簡易使不苦其難誘掖獎勵使不生其倦則敏鈍皆可成材

勉益齋續存稿

卷四 武昌

七

一防閑軼志 記曰夏楚二物收其威也童子德性未堅而嗜欲漸起不有以嚴爲之防則聰明者有所紛而馳魯鈍者有所惰而墜學之不成恆必由此故夏楚之所係重也然用之必中其節毋數扑數則頑而不知恥毋輕扑輕則翫而不知懲要當堅明約束不扑則已扑則必令知痛必令知愧必令知悔必令知奮然後有功凡用扑尤必以孝弟謹信之違爲重使知人道之本

一謹嚴禮法

雞鳴而起盥洗櫛沐必焚香頂禮天

地祖宗承候父母安否然後入學記曰凡爲人子者
冬溫而夏清昏定而晨省在醜夷不爭又曰居不主
奧坐不中席行不中道立不中門不登高不臨深不
苟訾不苟笑又曰常視母誑立必正方不傾聽又曰
君子之容舒遲見所尊者齊趨足容重手容恭目容
端口容止聲容靜頭容直氣容肅立容德色容莊坐
如尸立如齋又曰毋側聽毋噉應毋淫視毋怠荒遊
毋倨立毋跛坐毋箕寢毋伏歛髮毋髡冠毋免勞毋
袒暑毋褰裳至于啗食嚼骨啜醢絮羹無所不戒又

勉益齋續存稿

卷四 武昌

八

曰父召無諾先生召無諾唯而起又曰侍坐于先生
先生問焉終則對請業則起請益則起坐必安執爾
顏長者不及毋僂言正爾容聽必恭毋勑說毋雷同
必則古昔稱先王以至從于先生遭先生于道見父
之執爲長者糞及乎適舍上堂升車登城皆有戒凡
所以制乎其外皆所以養其中也充養既久骨力堅
強精神滿腹旣無疾病夭折之患而後足以任重致
遠修德凝道將來長成必成偉器神將佑之福將歸
之此古人所以反覆周詳辭繁而不殺者良非好爲

是瑣屑也奈何姑息之愛略其禮法長其驕惰使其神志昏耗雖有聰明才力日就委頓卒以無成豈不惜哉

一識字必真 截紙方寸薄則俵觀之寸紙一字性敏者日令識十餘字鈍者亦可三五字切勿貪多凡識字同音者辨義如天爲上天添爲增添地爲下地弟爲兄弟人爲人身仁爲人心之類同義者辨形如元黑異形而同色頂戴異形而同事初哉首基異形而同訓之類同形者辨音義如好有上去二音異義勉益齋續有稿

卷四 武昌

九

惡有平去入三音異義之類形似者辨畫如烏鳥之畫有多少月月之畫殊點橫之類義近者辨分如紺絳之色分淺深寒冷之氣分輕重之類又有古今異體如藪爲天菰爲地昔爲時之類古今通用如知通智道通導視通示借用如耐借能同用如贖同剩之類又經傳奇字如侮作務風作颯美作嫩之類以及字兼數聲字兼數形字兼數義皆須逐字講明務令百試不誤而字之文義固已大略解之但一貪多必不能解試思一日十字則歲可三千六百字大約半

年以上盡小學四書之字已浹洽於心而六經奇字亦大半識之矣如此然後受書省力不少

一受書必敬 聖賢言語所在卽聖賢靈爽所憑皆有鬼神守護稍有褻瀆譴謫立至或聰明窒塞或福祿減損森然可懼顧昧者不覺耳凡子弟受書卽當教以恭敬捧持面未洗不許對書手未盥不許觸書心有邪念妄念俗念嬉戲念皆不可讀書未開卷時先有聖賢在心目中及開卷時便如面質聖賢其受益自然深切又受書須有次第王伯厚先生三字經

勉益齋續存稿

卷四 武昌

十

家皆奉爲先路矣此書文簡而明義博而顯童子便可講解切勿滑口念過此書畢卽受小學或取曲禮少儀內則玉藻學記文王世子弟子職等書先與讀之勿早讀國風以童子情竇未開遽與刺淫適足以導之使淫不如緩至成童後誦之未晚也小學中嘉言善行益處甚多一生作人大局已具於此少成若天性習慣成自然緊要緊要小學畢讀四書兒已漸長尤宜提撕警覺令一一體認切已希賢希聖希天盡在此書此時止務讀書求解明理作人步趨聖賢

切勿輕易作文大抵童子時與講書猶易切已以其無利欲紛心也此時根脚一定終身不可動搖必成大器放過此時利欲一起先入者主之則雖讀盡經傳祇成粉飾文章於本身全無著落矣此一關最爲吃緊余所爲不憚反覆繁稱拳拳然爲教子弟者爭之有心人當以爲何如也四書通而禮書詩易春秋可次第貫之非謂六經易讀以其底蘊盡在四書中也經義既貫而子史百家又可次第貫通如此而不爲文則已一爲文必能輔翼經傳

勉益齋續存稿

卷四

武昌

十一

一課程務寬 十三經通計不足三十萬言每日百字八年可畢每日八十字亦十年可畢不在多讀只要講令精通誦令爛熟爛熟于口精通于心表裏浹洽得寸卽寸得尺卽尺而工夫尤貴有恆不可一日間斷久久積之新義理與舊義理相觸而發旨趣自然橫生一面受新一面溫故聖賢言語探索不窮初讀之一言只是一義溫習既熟則句中有句愈入愈深旨外有旨愈推愈廣七洞八穿頭頭是道矣讀子讀史皆當以經義爲權衡蓋諸子純駁雜出新奇俶

詭最易眩亂是非故必通經後確有主見然後能以坐照而取其精史家才識有短長傳記有真僞不能較然辨之往往爲古人所愚故必經義透徹然後能放開眼孔上下古今每觀一代之史必通知一代政蹟之得失人物之高下取舍之當否然後能曉然于其所以存亡廢興之故然後知天人交感之際聖賢所以諄諄言之者之誠不吾欺也此讀書定法必如此而後有得而其要尤在讀書之始一一體認切已使義理與血氣相爲融浹則慧性圓通羅萬卷於胸中而不畱一字而詩書之氣道德之輝睟面盎背望而知爲聖賢中人矣

一淫書必禁 小說如金瓶梅之類及書肆中一切淫穢之書有識者類能禁其子弟不觀至如唐代叢書聊齋誌異及一切名家傳奇筆墨甚高文詞甚美聰明子弟尤喜觀之以爲吾好其文非好其淫也其父兄亦心焉好之諱其淫而名之曰文且戒其子弟曰效其文勿效其淫也而不知其實爲伐性之利刃戕生之美鴆子弟血氣未定以此搖其精損其神慾

火熏熾百病叢生不可救藥而况其壞人心術尤有
不忍言者哉此其文愈佳其毒愈烈昔人言世間演
一日牡丹亭則湯若士入拔舌地獄一次旨哉言乎
凡子弟篋笥中不可不時與搜尋勿令懷挾嚴厲禁
之造福不少

一燕朋必絕 易曰君子以朋友講習記曰獨學而
無友則孤陋而寡聞曾子曰君子以文會友以友輔
仁夫同讀一書而所解各有淺深同辦一事而所慮
各有長短參互相濟偏可得全勝負相形激可生奮

勉益齋續存稿

卷四

武昌

上三

朋友之益良多矣然而良朋難得童子知識初開若
拘謹而喜放縱則燕朋之投契最易稍疎其防則終
日聚談無一善言終日聚謀無一善事放肆邪侈無
所不爲子弟之壞強半由此誠得端方醇謹之友與
子弟游善相勸而過相規志同方而道同術則善之
善者也如其不然未受其益先受其損則與其燕朋
不如獨學

一文必載道

明道先生作字甚敬曰非欲字好卽

此是學蓋執事有敬則心不放凡百皆然而况制義

代聖賢立言者乎或者謂其窮工極巧務以悅人當
其下筆時其心已不可問不知此俗人之文非學人
之文也前輩論文必先認題題有單雙虛實全偏截
搭之殊而法生焉神明於法而巧生焉要其中必有
一段真精神與古聖賢相契合方能切題必其讀書
窮理一一體備于身然後有真精神出夫名家精神
必能約天地萬物之理翕然從心坎中流出與聖賢
契合然後英華發越迥異尋常非多買胭脂畫牡丹
所能肖也吾論讀書明理勿輕作文非易之也要令
勉益齋續存稿

卷四

武昌

十四

根柢深厚力量恢宏始足以發揮道蘊四書者道之
輿也雖小題斷章脈理欹斜牽掣不可方物要之義
理爛熟於心則因題立義皆必有一種至理天造地
設與題恰合故高手無難題也高手之文必有主意
一篇之中有起有落有伏有應有轉有折有向有背
千變萬化出奇無窮而總不離其主意故讀其文而
其生平之樹立可知何則其胸中固有主也篇有散
行有排比散行之文近古而易於馳驟故名家好運
古文氣脈於排比中排比之擒縱開闔頓挫跌宕收

束皆與散行同而其股法則欲虛實相涵脈絡相承
工力相敵順逆相生毋合掌毋疊床方爲能事又通
篇提欲得勢拓欲有局轉欲不測落題欲有神收局
欲不漏不竭句法欲古欲健欲傑欲工古欲雅健欲
秀傑欲蘊藉工欲自然字欲奇欲確欲典欲法欲葩
此則全乎技矣余平生不甚講求此技觀於名家著
作輒有以心知其所以然而俗所謂專攻此技者庸
或未必能然可知載道之文自有根本不可襲而取
之也詩者文之有韻者也杜陵長古長排起落開拓
勉益齋續存稿

卷四 武昌

五

頭挫跌宕流轉收束皆極行文之樂事故學詩者宜
從古入從古人者降格爲近體蒼勁中自饒嫵媚從
近體入者後雖極力摹古終似婢作夫人舉止軋形
羞澁嘗論詩自三百篇後騷音擅場兩漢沉雄渾穆
自然近古魏漸漂急馳驟晉多卑靡陶謝諸家尙能
健舉宋齊以下綺麗不足珍矣唐以詩取士風氣復
適而莫盛於李杜者以其性情敦厚也其後韓白以
及宋之蘇陸皆能吟咏性情故能各成一家然則學
詩者又當以理會性情爲第一義學字亦能收心而

其法則當由唐碑入唐碑規矩謹嚴確可循蹈魯公
端凝大歐秀勁觀其書法想見其人心正則筆正真
心得之言也規矩不外臨摹二法大要亦以少爲貴
臨摹得數十字領會得用筆之意其餘便有破竹之
勢規矩既熟神韻自生不患不造晉人之室不恨我
無羲之筆法却恨羲之無我筆法此言殊有至理非
強詞也凡人之稟受體格聲音笑貌箇箇不同則其
書之骨力丰神亦自各異故善學書者師其意不必
肖其形也

勉益齋續存稿

卷四 武昌

十六

一心必善養 養心莫善於寡欲寡欲莫善於明理
理明則能見義而有以勝其欲矣理明則能安命而
有以澹其欲矣理明則能畏天而有以制其欲矣此
成人之學似未可以責童子而不知惟童子欲心未
盛早與明理則先入爲主而欲自能寡寡欲早則心
神全而入聖有基故曰蒙以養正聖功也凡人身欲
勞心欲逸身勞則其心不馳心逸則其身常泰志欲
高心欲下志高則其心不懼心下則其志不充意欲
實心欲虛意實則其心不妄心虛則其意善覺胆欲

大心欲小胆大則其心不搖心小則其胆不怯氣欲舒心欲歛氣舒則其心不迫心歛則其氣不浮法欲嚴心欲寬法嚴則其心善守心寬則其法易循義欲行心欲止義行則其心不忤心止則其義不移量欲宏心欲精量宏則其心纈密而有容心精則其量包荒而能察備此數端則思過半矣○凡學仙者貴童子體凡學聖人者貴赤子心其天全也天全者事半而功倍

一教必有術 教雖爲子弟設要必爲父兄者先能

勉益齋續存稿

卷四 武昌

十七

端其身範致其誠敬以爲施教之本至於施教尤不可無術以妙之孟子嘗以不屑之教誨爲術今以其意推之不屑教誨愧之也愧所以生其奮也此術之一端也稱是而施術乃不一學記之言教術也曰豫曰時曰遜曰摩曰和易以思七者賅矣抑猶有未詳者今爲引而伸之曰寬之而不可使縱也嚴之而不可使迫也揚之而不可使驕也抑之而不可使屈也開之使明而不可鑿其天也誘之使進而不可生其躁也慧者多稱其短使知不足鈍者多稱其長使知

可造驕貴者當使習於灑掃應對之節以抑其氣富
厚者當與極論勞苦患難之事以生其惕平庸者當
與暢言英雄奮發之事以長其志刻勵者當進之以
養拘謹者當通之以識曠達者當方之以義質直者
當文之以禮閒暇時與其博奕不如登臨以活潑其
性靈也與其晝寢不如習射以動盪其血脈且以備
武事也與其嬉戲不如學習禮儀以堅固其肌膚之
會筋骸之束也教雖多術大略不出乎此

勸益齋讀存編

卷四

武昌
五月

六

會欲趨之束也遂繼終泮大經不出乎此

近事也與其敬獵不戒學醫獻辭以埋固其眼臥之
卦靈也與其晝寢不戒習俚以墮盪其血脈且以備
當文文以顯聞則和與其射奕不戒登臨以活潑其
養神靈皆當通之以識曠達者當方文以義質直者
與文當與極論勞苦患難之事以生其惕平庸者當
與暢言英雄奮發之事以長其志刻勵者當進文以
養拘謹者當通文以識曠達者當方文以義質直者
當文文以顯聞則和與其射奕不戒登臨以活潑其
養神靈皆當通文以識曠達者當方文以義質直者
與文當與極論勞苦患難之事以生其惕平庸者當
與暢言英雄奮發之事以長其志刻勵者當進文以
養拘謹者當通文以識曠達者當方文以義質直者

勸捐修隄工示

道光十三年十月

府屬江咸嘉蒲四縣濱臨大江民田廬舍全賴堤埝以爲保障若堤身不固則不足以資抵禦是以每年於大汎安瀾之後必須勘估歲修酌量培補近年江水逐漸增高堤身益形卑矮兼之水退較緩日久淹浸動輒潰缺漫淹田廬叠見偏災患無底止本年夏秋汎漲叠長至二丈四尺餘寸漫過堤頂其間風浪冲刷殘缺之處不一而足自應趁此三冬農隙之時趕緊勘估加高培厚以禦來年春汎業經本府督飭

勉益齋續存稿

卷四 武昌

九

地方官確勘稟辦惟歲修經費或係派徵秋糧或動本款生息各有舊章爲數無幾而加高培厚工費較多自應遵照前奉督撫憲示諭公出夫土通力合作方爲有濟茲本府倡捐廉銀二千兩分給江咸嘉蒲四縣每處五百兩以助工用除飭各該縣遵照實力勘估趕早興工外合亟出示曉諭爲此示仰江夏咸寧嘉魚蒲圻各縣屬紳士軍民人等知悉凡屬有田有業之家無論田土高低居廬遠近縱無切膚之害亦有同里之情勿擁厚貲而忽急務勿惜小費致悞

要工勿存畛域之心勿生希冀之想務各當仁不讓見義必爲踴躍捐輸互相勸勉共將堤埝修築高厚永保無虞如慮官辦勢須假手書差或有虛糜爾等卽選舉公正董事數人妥議章程在堤分段督夫並經手捐項以期工歸實用其有捐數最多以及勸捐出力監修認真經理得宜出納不苟者本府定卽詳請保

奏優加鼓勵其捐數在三百兩以上者亦卽照例詳

奏請

勉益齋續存稿

卷四

武昌

三

賞頂帶職銜卽銀數在三百兩以下於議敘之例未符亦卽分別捐數多寡由府縣酌給匾額花紅以示嘉獎本府職司守土念切民生惟願保固江堤永除水患庶幾貧無失業富得安居爾等宜共諒此心切勿視同隔膜是爲至要倘有不肖之徒出而阻撓衆議或假公濟私侵欺浮冒一經訪聞定卽查拏重究不貸其各凜遵毋違

聽訟之要全在速審速結速則案無拖累而奸胥訟棍亦不及唆串教供君子所以明慎用刑而不畱獄也前月檢查各屬未結上控之案尚多當經通飭並專函諄囑將本年九月以前之案定限封印內一律審結詳辦迄今一月之久而有接札後以空言稟覆者亦竟有置之不覆者所催各案詳結仍屬寥寥實不解其何故本府所欲清辦積牘原恐擾累無辜如該州縣奉文之後僅逐案出一催票非特不能息事安

勉益齋續存稿

卷四

武昌

五

民徒使差役多一番需索是有催辦之虛文反增滋擾之實害父母斯民豈能不力思振作設法清理茲本府酌定章程六條合就備札通飭札到該州縣即便遵照確查府中提審之案共若干起批發各案共若干起註明原告被告已到未到摘敘簡明案由開具清冊三本一冊賚府核對一冊發房存記隨時稟催一冊置諸案頭逐日翻閱查照現定章程分別解審詳辦仍以封印之日爲止一律掃數完結如果情節較重實有不能遽結之故即將緣由稟報查核倘

無故不結提府之案又不傳解仍視作具文始終玩忽定將該州縣照批交事件違限不覆之例指明案之多寡日之久暫詳請
奏叅撤任委員接辦至造賞之冊冊尾將承辦書吏姓名填註如有遺漏或有遲逾卽專差提承到府枷責革役仍將搶竊各案另造一冊註明捕役姓名將來能否全獲隨時提府究辦令在必行事沿成例諒賢明有司敬事勤民自毋須再三董勸也卽將奉札日期及如何遵辦緣由據實稟覆勿稍違延

勉益齋續存稿

卷四

武昌

三

一府中提審各案限文到十日以內將緊要應訊之人傳集檢齊卷宗星速解審不得在縣羈押如無重大情節或從前因疑致控現已查明不願赴省者准由該州縣就近訊取兩造輸服供結詳候核示以省往返拖累

一各上司暨本府批發之案原被均在縣候審者該縣卽分日提審每日可三五起除戶婚田土錢債門毆等件便可卽時定斷詳結外其有應須履勘者趁此農隙水涸之時調驗契據訊明坐落方向按照道

里遠近定期帶同兩造順路親勘近者日可勘三五處遠者亦可勘一二處勘明卽就該處定斷不必再行帶回亦不必更待証佐滋累無辜

一原告候審被告未到者卽先查明原告是否在保如實係在縣候審卽提該原告訊明被告証佐何人緊要摘出幾名飭差傳訊不必照案概行傳質少傳一人則有一人受益分別道路遠近勒定期限倘違限不到顯係差役受賄縱延卽嚴行提比再行勒限飭傳務須傳到訊結方准另派差事至被告証佐人勉益齋續存稿

卷四 武昌

三

等之弟兄親族均屬無干不准該差役藉稱着交妄拏搪抵倘敢將票內無名者牽累一人立卽從重治罪勿稍寬縱

一被告候審原告規避或原告雖曾投到旋卽在保潛逃者其情虛畏質意在拖累顯而易見卽查明批發月日如已過兩月之限卽照例詳請註銷并於詳內聲明若再赴省復控卽請押發收審一面摘敘案由列榜曉諭被告証佐人等概行開釋差票亦卽日撤銷

一原被均未投到或雖曾投到旋各潛回者卽查明一月以內曾否呈催倘兩造均無續呈則其所控之事業經和息已可概見卽將差票撤銷并卽摘敘案由列榜曉諭一面詳請銷案不必令其呈遞息詞以免書役勒索陸路提包私鹽一案緣由奉批應否如

一呈控搶竊各案原望緝賊追贓倘不比不緝僅將控案詳請扣除必致置之度外玩捕尤為得計應逐一查出分別造冊按五日一比務期贓賊全獲倘逾

一月贓賊全無卽行解府聽候親比均為期五限

勘蓋齋讀存稿

卷四 武昌

一凡期期全獲贓匪報訊匪徒其後藉稱尋父

一查出衣限數冊計五日一其發與期期全數尚餘

整案箱籠匪徒必疑置之與快匪徒大氣併情懇懇

一呈對餘瀛各案原望緝獲匪徒報訊不且不緝並報

原書對讎案虛畏實意在拖累顯而易見理查明後

由陔對熱備地面精詳險案不必令其呈遞息詞以

專業滋味息可也其原報差票雖報報未報辦錄案

一凡以內曾否呈報兩造均無續呈則其所控之

一則婚以未對匪返緝曾對匪逃谷晉回谷明查也

議駁總卡委員請飭江漢二縣按鋪取結詳

道光

十三年
十月

案奉憲臺批據候補通判壽元渭兩淮候補鹽大使
帥宗榆稟請札飭江漢二縣齊集賣鹽各店具結移
卡備查並拏陸路提包私鹽一案緣由奉批應否如
稟札飭查辦武昌府會同漢陽府核議詳奪此致稟
抄發等因奉此卑府等會議得總卡委員壽倅等原
稟內稱江漢二縣爲附郭首邑額定引鹽較外州縣
爲多近年官引銷不足額推原其故均爲脚私阻礙
勉益齋續存稿

卷四 武昌

五

所致查江漢二縣城內外油鹽錢米等鋪暨醬園領
買引鹽者雖多而零星小店並未起鹽過卡收買脚
私者正復不少請飭江漢二縣傳集縣城內外大小
各鋪戶出具此後憑行領程分銷官鹽不敢收買脚
私甘結二紙分存縣署卡所以便隨時稽查等語查
通商裕課首重禁私次重緝私禁私之法全在攬載
引鹽之地譏察森嚴不准夾帶顆粒上船緝私之要
又在鹽船抵岸之時查拏周密有犯必懲使脚私無
由透漏官引自然暢銷若禁之不能清其源緝之

能截其流祇傳在岸賣鹽各鋪戶勒令出結是舍不
而求末不特紙上空談於事無補并恐紛紛傳喚滋
擾市塵殊非政體所宜況貨賣私鹽例有應得之罪
各鋪戶如有所犯無難隨時照例懲辦固不能因其
出結在先格外加重亦不能原其未經出結曲爲從
寬似不必另設科條致啓不肖胥役藉端需索之漸
且江漢二縣油鹽錢米暨醬園大小各鋪戶不下數
千家開買時既不報官又不領帖傳喚已難免掛漏
而今日取結後明日開買之鋪戶又須續傳具結事

勉益齋續存稿

卷四

武昌

三

更近於繁瑣爲治以不擾爲安所稟應毋庸議惟該
員等既查有收買脚私之事應請責成原委巡緝各
員弁往來江面認真緝拏並飭江漢二縣隨時隨事
於省城內外及漢口等處地方畱心密訪遇有私開
鹽行收買脚私之事立即嚴拏按擬究辦勿稍疎縱
一面嚴追分銷各店鋪依限呈繳水程以杜匿畱影
射之弊至於船戶水手人等未有應得辛苦食鹽向
不禁其自行售賣此時提包上岸無所區別若遽行
一概查拏亦不足以示體恤似應飭縣先行出示曉

諭不准三五成羣提包上岸排設路傍公然售賣如
敢仍前無忌卽行查拏到案以私鹽論從重治罪如
此辦理庶於舊章不紊而於鹺務亦不無裨益緣奉
飭議是否有當相應具文詳請憲臺俯賜核辦批示
飭遵等因將試卷作爲廢紙賣與書坊改作紙張

以資補費用殊不知字紙理當撤銷云經沈汝舟
大爲駭疑故仍存原以候焚之字裁或付之清流
耶敬惜之美後書等向來務須若干木屑仍照數
給並不准其

也益齋讀存藹

卷四

武昌
知縣

七

更近於
員等既查有收買
員弁往來江面
於省城內外及漢口等處地方
曾數收買脚私之事立即嚴拿
毋藉畏查
此鞭毆
頗以
備不

府縣試卷存畱焚化以惜字紙論

道光十三年十一月

查歷來科歲府考所有文章試卷俱係發房收存本屆考試本府因杜院試盲考者抽換之弊是以將府縣試卷一併存庫未發今院試已竣原可發房但查該書等向將試卷作為廢紙賣與書坊改作紙張藉以資補費用殊不知字紙理當敬惜一經洗改作紙大為穢褻故仍存畱以俟焚之字藏或付之清流庶昭敬惜之義該書等向來售價若干本府仍照數賞給並不使其空費辛勤惟將來各任每屆府試凡有勉益齋續存稿

卷四

武昌

三

試卷均應遵照此次辦法預為稟明存庫不得朦請發房致滋弊端該書等均係讀書未成之士非差役之不准出仕者可比本身既有上進之階子孫亦有出頭之路各宜敬惜字紙以冀子弟聰明勉之慎之

議捐恤孤局不敷經費詳

道光十三年十一月

案奉鹽道札開奉督憲批本道會同藩司詳議武昌恤孤局籌項供支一案緣由奉批如詳遵行仍候撫部院批示繳又奉撫憲批據詳均屬允協仰候督部堂批示遵行此繳各等因奉此合行抄詳札飭札到府中卽便遵照辦理毋違等因並發抄詳下府奉此遵查本年正月卑府在署鹽道任內因見省城無依童穉恐致流離議於育嬰堂另院添設恤孤局隨時收養俾免失所所需經費在於道庫節省岸費欸內

勉益齋續存稿

卷四

武昌

五

每年動支庫紋三千兩以濟支用詳奉各憲批允遵行在案嗣於本年八月經鹽道會同藩司議詳恤孤局歲支經費銀三千兩應請減半給發每年實發銀一千五百兩不敷之數令府中自行籌捐奉各憲批允行知下府又經卑府以府署每年額定捐賠各欸爲數已多若再加增恐後來難以爲繼該局必致中道而廢議請仍照原案在節省岸費欸內按年全行給發詳奉督憲批恤孤局之設係武昌裕守倡爲善舉旣已行有成效斷無中止之理如果經費無出力

難獨任自當共籌捐助仰北鹽道會同布政司妥議
詳辦並候撫部院批示繳又奉撫憲批據詳自係實
在情形惟岸費一欸是否尚足支銷仰鹽法道會同
布政司飭候督部堂批示遵行繳各等因行府知照
亦在案茲奉前因卑府細繹鹽道詳內以恤孤局經
費此後總以歲定銀一千五百兩爲準請在於院司
道每年應得商繳公費內按月攤捐坐扣給領等因
係因本年該局有修理房屋號舍買備器具什物等
項費用較多以後可毋須此所以復將原議減半節
勉益齋續存稿

卷四

武昌

三

省岸費一千五百兩之數更議不准是未深悉該局
歲支實數疑其或有濫支欲令格外撙節故置府詳
於不論亦似於督憲共籌捐助之意稍有未符要知
初議減半如其可以敷衍自應遵行何敢復行請益
祇以該局有詳定章程必須遵照辦理查章程內開
局中設委員一除應支道庫薪水外每年額支桌飯
銀二十一兩六錢首事一每年額支辛膳及單棉衣
銀一百一十一兩醫士二每年額支藥餌銀四十八
兩堂書一每年額支辛工銀十二兩堂役二每年額

支辛工銀十二兩號長十六每年額支食米鹽菜辛
工單棉衣共銀四百七十六兩一錢六分門役厨役
各一每年額支食米鹽菜辛工單棉衣共銀四十八
兩七錢二分童穉一百六十每年額支食米鹽菜單
棉衣帽鞋襪等項共銀二千一百一十二兩零各處
香燈報銷文冊紙劄等項每年共額支銀三十九兩
二錢以上各項綜計每年實需銀二千八百八十餘
兩此外尚有閏月經費並添補器具以及天折所用
槥木擡埋成丁出局號長教藝賞罰各銀兩均未能
勉益齋續存稿

卷四 武昌

三

預定數目前議每歲動支節省岸費三千兩僅可敷
用並無贏餘本年事屬創始修理局屋製備器具等
項固非常有之用殊不知本年係於二月二十五日
開局其未開局以前所需童穉飯食棉衣均係卑府
自行捐給已有空曠五十餘日而所收童穉逐月均
未滿額總在一百三十名上下每月又有空額二三
十名所有應支食米鹽菜藥餌等項截至十月止已
支過銀一千三百六十五兩零又夏季支發童穉單
衣袴銀一百六十五兩零首事號長單衣銀三十

兩又童穉鞋襪蓆扇銀六十餘兩冬季支發童穉
衣袴銀一百八十餘兩首事號長棉衣銀七十八兩
又童穉毡帽鞋襪銀五十九兩零皆係照章支用毫
無浮濫此外修理局屋製備器具共用過銀七百四
十餘兩統計本年已支用庫平紋銀二千六百九十
餘兩存銀三百兩尚不敷冬臈兩月所需經費來年
從正月起支收養童穉如果足額一切費用非三千
金斷難敷用前奉鹽道詳議減半發給卑府卽將通
盤籌畫必須全數支給緣由縷晰詳明蓋恐已成之
勉益齋續存稿

卷四 武昌

三

局日久遽廢於政體民生兩有不便原無他意今蒙
鹽道議請各憲公同捐給經費一千五百兩而又將
減半岸費刪除夫以一千五易一千五並未增益分
釐而前動岸費係庫平紋銀今捐公費除督撫憲鹽
道係庫平紋銀餘係省平鹽銀較前轉稍有所損在
各憲已施浩蕩之恩在該局仍有支絀之患且前定
章程該局經費均係先期給發俾其現銀購買價值
較廉免致喫虧費用自可節省今公捐銀兩按月飭
發辦理亦不無掣肘卑府悉心籌計此事旣已再詳

再議曷敢復事瀆請况各憲既已倡捐於先卑府自應相觀而善查府縣亦有商繳公費銀兩所有不敷之一千五百兩自應由府縣公捐第江夏縣差務浩繁勢難攤派擬於府中每月捐庫平紋銀一百二十五兩卽以十四年正月爲始無論正署按在任月日照數勻攤遇閏亦如數加捐以補不足年終核實報銷若年豐民足童穉各有所歸局中額數不足經費有餘卽先儘府中所捐銀兩全數支銷其各憲公捐經費支剩若干照數繳還積存道庫以備歉歲加廣勉益齋續存稿

卷四 武昌

三

童穉及該局歲修等項之用如此辦理庶已行之善政不致因節費而中止而該局亦可保全終始矣是
否有當相應具文詳請憲臺俯賜批准立案俾得永遠遵行實爲德便
其兩項以十四年正月爲始無論正署按在任月日照數勻攤遇閏亦如數加捐以補不足年終核實報銷若年豐民足童穉各有所歸局中額數不足經費有餘卽先儘府中所捐銀兩全數支銷其各憲公捐經費支剩若干照數繳還積存道庫以備歉歲加廣勉益齋續存稿

余去冬見省城多無依童穉因議設恤孤局蓋本吾先義烈公保息同仁之意而通其變也昔吾先義烈公蒞楚僅數月大綱細目靡不興舉其恢張育嬰堂一節則庶政之餘若不甚經意而出之者也然而百餘年來章程屹立如一日近每年所育嬰兒及乳婦至四百餘人之多而支用不虞其絀雖後之好善者類能相與附益亦足以見先義烈公善力之宏其規模足以範圍久遠故能使繼之者永永維持於不替勉益齋續存稿

卷四

武昌

三

余初議設是局一切悉祖育嬰之遺法不過因男女之辨而稍爲增損之其房舍亦皆用育嬰堂之閒房而修葺之未嘗有所興建所收孤幼以一百六十人爲常額而所議歲動節省岸費僅三千兩其實不敷支用當時竟未能細心核算已覺慮事之疎業已詳定勢難議增幸自二月開局迄今所收孤幼來去不過百三四十人未及足額故尚堪敷衍且以此事因而兼創養而兼教雖經議有章程猶恐奉行未善或至靡費無益爰於公事之暇輒親往查驗諄屬委員

首事嚴飭號長勤勤懇懇未嘗稍懈如此數月見所
育孤幼均有精神骨力轉羸瘠而爲肥健其所習手
藝如編篋紡線捆屨縫衣之類皆有可觀其慧者亦
能讀書作字算數并有能雙手連兩算盤者曾經大
憲親臨試之頗有成效然余自籌議之始精心竭力
不憚辛劬以至於今而其獲效僅乃有此以視先義
烈公之不動聲色而善建不拔者其度量相越不已
遠哉乃八月內接奉鹽道札議以武昌府恤孤局歲
支經費減半給發每年止發銀一千五百兩已奉大
憲批准行府余以道庫岸費一欸每年商繳銀四萬

八千餘兩原係留備惠濟不時之需茲恤孤經費所

動無多在道庫不過涓流撮壤在諸孤得之則生不

得則死詳請仍照原議全數支給亦奉大憲批示以

恤孤既有成效斷無中止之理如果經費無出自當

共籌捐助十月內復奉道札議以恤孤局經費在院
司道應得商繳公費內按月攤捐坐扣每年共銀一
千五百兩而將前議減半給發之岸費又復刪除如
有不敷令府縣隨時捐給亦詳奉大憲批准行府竊

觀鹽道之意似未悉局中歲支實數疑其或有濫支
欲令格外撙節足以兩議不無歧異此未可以口舌
爭也且大憲旣已倡捐則府縣自當從善惟縣中差
務繁重勢難派捐府中捐欸雖多尚可勉力支持因
詳請於府中每月捐庫平紋銀一百二十五兩以符
原議三千兩之數卽以十四年正月爲始無論正署
接在任日月照數勻攤週閏亦如數捐之以補不足
如年豐民足收養較少經費有餘仍儘府中所捐支
銷其各憲公捐支剩若干繳還存積道庫以備歉歲
勉益齋續存稿

卷四 武昌

五

增廣及局中歲修之用並將局中支用細數一切詳
明立案余非不知累及後任也顧守此土恤此民責
有不容旁貸者夫一歲之中事更三變非因原議之
未盡善乎茲雖定案又焉能保後之必無變局乎善
力之薄深用自慚姑記其顛末以俟後之大智慧大
願力大圓通者

袁印川等呈批

道光十三年十一月

據呈孝子錄請爲序刊其名甚美其意可嘉但其書未善聖如虞帝賢如曾子何待該生序列必欲舉聖賢以立人倫之極則聖賢尚多其所遇時地順逆常變百出不博採則事理不備而該書自虞至周所列僅十餘人遺漏已多其由周以來二十餘代史傳所載孝子尤衆盡錄之則卷帙太重不盡錄則必有義例斷制去取精當須才學識三長兼擅方能爲之今該生所錄似未及此至於近時鄉里軼事非史官所勉益齋續存稿

卷四 武昌

三

紀雖善無徵此在鄉里好善者私相傳述固屬例所不禁本府身居民上事關發潛闡幽苟非確有聞見豈容率爾執筆况著述自有體制庸德庸言人可奉行乃足垂世立教奇節苟難流弊甚大如割股爲孝則足爲忠先儒辨之甚詳諸生想亦講之熟矣而該書所錄近事往往非中庸之道即使確有證據持論者尚須斟酌何況流傳未確者乎卽其所錄古事亦拉雜不倫如虞帝之孝不稱其終身之慕而稱其象耕鳥耘曾子之孝不稱其養志而稱其嚙指心痛好

奇而不能舉要申鳴旣執楚政不能爲國豫謀使白
公不爲亂又不能保全其父竟致爲賊所劫忠孝兩
虧雖死無益何足爲訓而列於虞帝曾子之後開卷
一二頁舛誤如此其後次序顛倒語言複沓最後爲
向宏材濫錄酬應詩聯至廿餘頁之多何關事實從
來著述豈有如此體裁傳曰言之不文行之不遠以
此刊板不亦難乎惟其意主爲善尚無詩謬本府不
以爲瀆姑將原書發還所請不准

勉齋齋讀存稿

卷四

武昌府

天

以爲實故激取書發還所請不准
此其琳不衣職其意主爲善尚無精駁本府不
來善豈豈百收此豈其意主爲善尚無精駁本府不
向志林濫錄酬應詩聯至廿餘頁之多何關事實從
言其頁校疇收此其發矣泉醜附請言齋香景發齋
醜雖至無益何足爲訓而列於虞帝曾子之後開卷
公不爲亂又不能保全其父竟致爲賊所劫忠孝兩
奇而不能舉要申鳴旣執楚政不能爲國豫謀使白

余惡夫曲法者之長惡也乃作救生不救死之論以正之又爲寬縱辨以申之旣而有疑獄余爲從輕擬之容有笑於座者曰是寬乎是縱乎抑何以異於救生不救死余曰是非所謂寬尤非所謂縱蓋疑也其情曖而難明其跡似而未真以爲不殺人歟則其情與跡皆疑於殺人而出之吾無以質死者以爲殺人歟則其情與跡皆疑於不殺人疑於不殺人而入之吾無以質生者故輕之然而不得謂爲寬也夫宥過無大蓋必有以信其過之大而無疑雖大而宥之則刑不濫故爲寬夫刑故無小蓋必有以信其故之小而無疑卽小而刑之則刑亦不濫故亦爲寬若夫情眞罪當而曲脫之則是明知其殺人而故縱之也故寬與縱皆非疑之謂也經曰罪疑惟輕而釋之曰與其殺不辜不如失不經蓋聖人之愼也愼而名之曰失蓋不敢托於寬正恐其流於縱也曰然則何以異於救生不救死之說曰吾惟救生者故不敢重其罪抑惟救死者故未嘗脫其罪是於生與

死兩平也曰若是則凡犯法者皆將講張爲幻以溷
有司之聰明而天下之疑獄滋繁而皆從而輕之則
姦宄將無所不至毋乃非惟明克允之旨乎余曰不
然夫講張爲幻者特設爲可疑而非真有可疑者也
吾準之以情徵之以跡曲爲盡之旁爲證之則其疑
必破故曰明明則出入無所遁然而聖人不敢矜其
明以天下固自有不可明之事也有殺人之情無殺
人之跡則疑有殺人之跡無殺人之情則疑有所仇
而殺之有所圖而殺之有所猜嫌忌妬而殺之皆情
勉益齋續存稿

卷四 武昌

罕

也而未嘗實見其殺之則疑或鬪毆殺之或金刃殺
之或藥物水火殺之或昏夜殺之或山僻野外殺之
或謀主使人殺之皆跡也而鬪毆之傷或輕不足以
致死金刃之傷或久踰辜限而死藥物水火之傷或
未見其所用藥物水火之情狀昏夜山野指爲盜殺
而未嘗失財指爲仇殺而其仇或不止於所指之
人或所指之人容貌辭氣皆非能殺人之人指爲謀
主而其人或愚拙不足以爲謀主則疑至於遠年之
案證據盡亡遠省之案情勢莫覩則無所不疑疑者

飭發罪疑惟輕說檄

道光十三年十一月

法不可縱尤不可枉本府前論救生不救死之爲縱而非寬原欲明乎寬之所以爲寬也而或者誤會其旨乃舍縱而入於殘又非以欽恤用刑之道爰復爲罪疑惟輕之說合行札發札到該州縣卽便查照所論事理遇有疑難之獄務宜平情觀理毋矜摘發之神毋逞偏私之見如果事屬可疑斷不可強爲鍛鍊以仰體

聖天子好生之德與其爲能吏不如爲循吏各宜勉

勉益齋續存稿

卷四 武昌

聖

之母忽

以彰

輻輳致詞以去其取罪惡何銀獨不可誠益點
爲事與腹首變職之燈海宜平情觀理毋矜摘發之
罪疑惟輕之說合行札發札到該州縣卽便查照所
論事理遇有疑難之獄務宜平情觀理毋矜摘發之
神毋逞偏私之見如果事屬可疑斷不可強爲鍛鍊
以仰體聖天子好生之德與其爲能吏不如爲循吏
各宜勉勉益齋續存稿卷四武昌聖

議捐職貢監恃符興訟應先驗執照以清訟源

而杜假冒詳

道光十三年十二月

捐納貢監職員既膺名器自應持躬謹慎立品端方不入公門不干外事方足爲庶民模楷倘恃爲護符播唆詞訟把持起滅則鄉民受其愚弄風氣日見澆漓弊害叢生所關匪細查楚北訟獄繁興甲於他省凡有戶婚田土錢債鬥毆細故以及命盜重案若係受害切己之人出控者均無難立爲究結惟其中多有刁矜劣監出而扛帮或藉係同姓而認爲嫡支或勉益齋續存稿

卷四 武昌

聖

略有瓜葛而稱爲至戚甚或別人被盜而彼冒作失主別人被殺而彼冒作屍親非因圖索不遂任意株連卽挾睚眦微嫌藉端陷害又或一聞富民偶有疑似違礙輒喜爲有隙可乘攘臂挺身連名誣告藉稱公論冀遂私心一經到官研鞫每每恃符狡飾不吐實情不服詰問承審之官未便遽加刑誅必得先行詳革方能審究定案證佐人等被其牽連守候勢必廢時失業羈累難歸更有誣詐之徒數人出資朋捐以冀狼狽爲奸者又有乘訟案未結捐職捐監以圖

挾制官長者亦有控案較多每案更換一名以揜其
好訟多事者甚有報捐之人已故其弟兄族人年貌
相若匿不繳照藉以冒充者并有業經緣案斥革三
五年後隱匿前案更易原名仍行混冒者且有以民
人而憑空假冒者請張爲幻不可枚舉迨至審虛追
照究辦率多抗不呈繳因而案懸莫結拖累無窮卑
府前守荆郡繼調武昌歷來審理案件發摘之餘深
悉此弊伏查捐職貢監非比文武生員尚有學冊可
考若不先驗執照則無以辨假冒而究實情況從前

勉益齋續存稿

卷四 武昌

四

部中書吏卽有偽造假照之事外省因向不調驗捐
照以致無從覺察似應嚴立科條設法杜絕俾知警
畏卑府悉心籌議嗣後有司衙門凡遇訟件無論戶
婚田土等項細故及命盜重案如係捐職貢監出名
具控均令其將執照隨詞粘呈該衙門驗明執照屬
眞姓名年貌籍貫三代相符卽仿照貢監錄科之例
於執照上蓋一某年月日某官驗訖戳記隨於批發
呈詞時當堂給還若驗有假照及冒充情弊卽將執
照扣留詳革究辦倘所控之事日久未結在原衙門

續遞催詞卽不必再行粘呈至另有告案或赴上司衙門控告仍照前隨詞呈驗加蓋戳記如照內戳記已蓋至數次之多則其人之恃符好訟亦可概見若旣稱捐職貢監又不將執照粘呈及別省捐職貢監有稱並未攜帶執照者遇有呈控事件若概不受理或恐實有屈抑之事竟無申訴之門亦非勤求民隱之道應准其隨時控告惟詞首不准填註貢監職員字樣所告之事核其輕重虛實分別准駁究坐卽照民人一體辦理至訟案未結朦混報捐者於蓋戳後勉益齋續存稿

卷四 武昌

四

將照扣留審明有無規避分別斥革給領如此隨事稽核不惟扛訟之風可以稍息冒充之輩可以斂跡卽有假照等弊亦可隨時勘破不致釀成巨案未始非正本清源之一得惟是捐生執照遇有事故例應咨繳大部查銷今蓋驗訖戳記自未便由外省逕行辦理致干部詰應請

奏明請

旨飭部通行內外問刑衙門一體遵辦並先出示曉諭俾捐職貢監各有遵循似於風俗人心不無裨益

是否有當理合具文詳請憲臺俯賜查核批示遵行

漢地方為各省商賈聚集之所人烟稠密日食浩

大向賴川南兩省商販米糧源源接濟是以糧價尚

不虞缺乏本年夏秋江河疊漲各處田禾淹沒迄

收成細間耕作農民往年皆有餘穀出糶今則商

糶米而貧富家貧戶比此皆然以致米價逐節騰

於貧民大有不足之虞請飭司民牧風夜踏踏履

道光十一年八月

米糧

由查齋讀存稿

卷四 賦品

選

刑部

稽核不惟上訟之風可以

抑有假擬等弊

亦非本始源之一得惟是捐生執照遇有事故例應

咨繳大部查銷今益驗訖職記自未便由外省運行

辦理致于部部應請

奏明請

飭部通行內外開刑衙門一體遵辦並先出示曉

諭各官當照合其文籍請憲臺澈查對批示數計

會議籌借本銀循環糶糶詳

道光十三年十二月

武漢地方爲各省商賈聚集之所人烟稠密日食浩繁向賴川南兩省商販米糧源源接濟是以糧價尚平不虞缺乏本年夏秋江河疊漲各處田禾淹沒迨少收成鄉間耕作農民往年皆有餘穀出糶今則尚須糶米而食富家貧戶比比皆然以致米價逐漸增昂於貧民大有不便卑府等職司民牧夙夜躊躇覆查道光十一年湖北濱江臨河二十餘州縣被水成災米糧昂貴民食維艱曾蒙前憲

勉益齋續存稿

卷四

武昌

四七

奏請由司發銀十萬兩札委漢同知邵丞招商赴川採買米石來楚輓轡糶糶百姓賴以餬口共慶更生本年各州縣復被水災雖較十一年稍輕但係遞年被滄民情尤爲拮据其成災各州縣已蒙撫賑兼施民無失所第因收成歉薄鮮有益藏不得不來省購買食米且下游江西安徽江蘇浙江各省客販接踵而至米往下載無日無之現在米價增昂民已食貴誠恐來春青黃不接之時米船稀少民食堪虞關繫更非淺鮮伏思過糶久干嚴禁平價昔有良謀古人

或增價招商或借帑廣糶因地制宜著有成效今之救荒要策當以食足爲先食足則民安無事民安則舉措有方凡屬地方公事均可不虞掣肘卑府等公同悉心籌議仍應仿照道光十一年成案發給官項採買平糶以濟民食惟十一年係招商赴川採買水脚運費多係經手之員賠出未免偏累且亦緩不濟急武漢爲江襄滙合之區川南各商販必由之路本年應卽就近採買以免輾轉煩費因思前奉憲檄飭知賑濟銀兩可餘十萬有奇畱備開疏河道之用刻

勉益齋續存稿

卷四

武昌

四

下開河之舉尚無端緒可否仰懇憲臺具

奏

奏卽將此項存貯銀兩暫撥十萬或飭司另行如數籌撥揀委幹員在於武漢地方乘時採買循環糶糴待至來年麥收登場糧價平減卽行停止以冀此數月內米糧充足民食無虞若謂目前市價本昂一經採買恐更加騰貴或有窒礙亦不可不預爲慮及但查現在米船陸續而來因本省外省各處買運旋到旋空過而不畱幾無虛日今若先儘官買自恐與民食有妨若禁止外省採買又恐與下游民食有礙若

概聽其載赴下游則本省連歲凶荒間闔之積蓄久
虛官府之儲備有限更恐來春二三月間無以接濟
卑府等再三籌慮應於採買之中仍寓變通之法應
請嗣後川南米船到境令江漢兩縣按日摺報自抵
次之日起予限五日先儘本地百姓買賣交易至第
六日再將各船所存之米無論多寡亦照時價官爲
採買一半其餘一半聽其載赴下游此五日內續到
米船亦照此挨次辦理倘五日內並未續到米船或
到船較少則官卽暫緩採買仍先儘民間買食及下
勉益齋續存稿

卷四 武昌

四

游買運之用如此酌量辦理則市價旣不至增昂民
食亦不虞匱乏卽下游各省亦仍可隨時接濟而商
販惟利是趨聞此間銷路旣多轉運自速諒必踴躍
爭先可期米商雲集其採買之米卽存貯武漢兩府
暨江漢兩縣倉廩察看地方情形於米船較少之日
按照市價每石酌減一二錢零星糶賣嚴查奸商糶
賤囤積所糶價銀仍於米船較多之日照前採買循
環糶糶將來事竣仍將糶存價銀歸還原欸所有減
糶不敷及盤量折耗修倉鋪墊等項在於通省知縣

以上各官養廉內攤扣補足歸款亦不致有短絀偏累之處至於川米須由宜昌荊州經過南米係由長沙岳州經過應請分飭該府等通飭沿江各州縣出示曉諭廣招商販俾有源源而來之米庶濟嗷嗷待哺之民勿任沿途觀望逗遛停泊此外經過四川夔關及湖北荊州道關並懇附片

奏請免稅放行以輕商本而期迅速卑府等因籌備民食起見是否有當理合具文詳請憲臺俯賜核辦實爲公便再查向來內地米糧例禁偷載出洋近來

勉益齋續存稿

卷四 武昌

五

下載米船爲數太多或恐有偷載出海之事似應咨明濱海各督撫憲檄飭所屬嚴行查禁俾免偷漏合併聲明

請川南各府廣招米商嚴禁遏糴移

道光十二年十二月

本年湖北夏秋汎漲濱臨江河各州縣被水成災收成歉薄民食維艱全賴川南兩省米販源源接濟近日武漢地方所到米船甚屬寥寥本處行戶及附近災區既已紛紛買運又兼下游安徽江浙等省各客販連檣接楫載米東行無日無之以致市價增昂日甚一日並風聞川省居民在於出江峽路私行封禁不許米船下行南省亦有私禁米船不許出境之議更爲可慮查川南兩省本係產米之邦年歲又屬豐勉益齋續存稿

卷四 武昌

至

稔湖北正值饑饉之時惟望商販流通庶免艱食之患昔魯饑告糴於齊晉饑乞糴於秦無不輸之以粟彼時各分疆域尚有相賙之誼今則天下一家尤當救災恤隣豈可私禁遏糴現在武漢之米亦不能禁其不往下載卽此義也惟是米船隨到隨空誠恐過而不畱將來續到稀少或有缺乏所關匪細敝府現已詳請各憲籌撥官銀乘時採買擬卽循環糴糶以濟民食必須廣爲招徠方有接濟理合移會爲此合移貴府請煩查照希卽出示曉諭廣招商販一面查

明過境米船如有停泊務卽諭令趕緊償運來楚幸
勿任其逗遛並祈嚴禁無知愚民私行遏糴以通商
販是所深幸道任內於歲底察看武漢地方失業貧
民啼餓號寒者指不勝屈勢不能不酌量拯濟因開
漢岸商人托業於斯向來恤貧濟困善舉頗多且而
集腋不難衆擎易舉當卽諭飭漢商公捐庫平效銀
六千兩以二千兩解赴漢陽易
換錢文於十一月二十八日分發男婦數千散給老
弱殘廢貧病者以資賑濟其平糶五千兩以上

地益齋續存稿

卷四 武昌 危昌

五

稔湖北江匪賊
患昔魯侯若都於有晉賊之患
秦無不輸之以聚
彼時各分疆域尚有相與之語今則天下一家尤當
救災恤鄰豈可私禁遏糴現在武漢定米亦不能禁
其不往下載卸此義也惟是米船輪到隨空誠恐過
而不留將來續到稀少或有缺乏所關匪細做府現
擬具迅派幸
撥官銀乘時採買擬卽循環糴糶以
應其
亟並擬嚴禁無知愚民私行遏糴以通商
則盛熟米餉賸存卽發順備令張稟贊此來焚幸

請諭飭漢商年終賙恤貧民稟

道光十三年十一月

上年楚北被水之後交冬大雪盈尺天氣嚴寒卑府時在兼署鹽道任內於歲底察看武漢地方失業貧民啼饑號寒者指不勝屈勢不能不酌量拯濟因聞漢岸商人托業於斯向來恤貧濟困善舉頗多且而集腋不難衆擎易舉當卽諭飭漢商公捐庫平紋銀六千兩以二千兩解赴武昌以四千兩解赴漢陽易換錢文於十二月二十八日分設男婦數廠散給老弱殘廢貧民以資度歲其年在五十以下二十以上

勉益齋續存稿

卷四 武昌

七

力能自食及襁褓幼兒概不准冒領惟時間間極其安靜同慶昇平原議不得援以爲例是所望此後年豐歲稔野多遺穗何致再有失業之民詎料本年又值被水偏災入冬後依然大雪盈尺苦冷嚴寒較之上年尤甚武漢地方貧苦無依之人亦比上年更多露宿棚棲扶老攜幼幾至委填溝壑瘡痍滿目無計昭蘇詢之紳耆皆以本年困苦甚於往昔蓋因遞年災傷元氣未復實已無可支持富者貧貧者極貧以致如此固非盡屬本地窮民亦非盡屬外來流丐大

抵皆上下游疊被水災州縣貧無依倚者居多在平
日聽其討乞自謀尚可無虞滋事當此歲將更始之
候戶慶履端彼傷凍餒於心誠有所不忍於地方亦
恐有所不安卑府職司民牧目擊心傷旣不敢置之
不問並仰體憲臺胞與爲懷之盛意更不敢壅於上
聞伏查漢岸商人每屆年終常不吝多金公同施濟
惟旣慮善門難開又虞善量難繼似莫若歸之於官
諭飭捐辦在商可行其善念在官得免夫憂心旣集
鴻磬亦安雁戶實屬大有裨益之舉合無仰懇憲恩

勉益齋續存稿

卷四 武昌

五

俯賜查照上年成案諭飭漢商公同捐派仍於本月
二十日外如數繳赴憲轅聽候分給武漢兩府待至
歲底設廠散放以濟貧民如有不敷仍由卑府自行
捐廉湊辦並祈移會兩淮運司飭令揚商一體遵照
俾得按引開銷此後不得援以爲例是否可行伏候
訓示祇遵

日聽其討乞自謀尚可無虞滋事當此歲將更始之
候戶慶履端彼傷凍餒於心誠有所不忍於地方亦
恐有所不安卑府職司民牧目擊心傷旣不敢置之
不問並仰體憲臺胞與爲懷之盛意更不敢壅於上
聞伏查漢岸商人每屆年終常不吝多金公同施濟
惟旣慮善門難開又虞善量難繼似莫若歸之於官
諭飭捐辦在商可行其善念在官得免夫憂心旣集
鴻磬亦安雁戶實屬大有裨益之舉合無仰懇憲恩
勉益齋續存稿

議暫設畱養局稟

道光十三年十二月

案奉鹽道批卑府稟請諭飭漢商年終拯濟貧民一案緣由奉批查此等勸恤善舉出自商人樂輸本無不可但現當減定岸費之時嚴飭岸商撙節支用不得絲毫浮逾未便再令捐派致滋藉口惟事關歲暮散放貧民之用自應另爲籌款以供支放現由道庫籌支銀四千兩詳請院示俟奉到批示另行飭遵此覆等因仰見憲臺痼痕在抱矜恤窮黎之至意曷勝銘佩自應遵奉辦理惟查上年省城舉行拯濟係將勉益齋續存稿

卷四 武昌

五

奉發商捐銀二千兩於十二月二十八日分設男婦數廠盡一日儘數散放以資度歲卑府前稟原擬仿照上年設廠散給茲查省城山前山後並各城門上棲止窮民大小口共有一千零八十九餘名詢係四鄉附近及洲上被水之戶居多亦有外來乞丐率因本年水退遲緩田地多未潤復房屋亦已倒塌是以無家可歸困苦顛連情堪憫惻現仍羣聚城頭或露宿街市難免委填溝壑且恐滋擾市塵旣蒙憲恩籌款飭發必須惠及赤貧方爲有濟卑府躊躇再四似應

因時制宜變通辦理將省城內外及城上寄居貧民暫爲設局留養俾資餬口擬於奉撥銀兩之日易換制錢按五日一發每大口日給錢三十文小口二十文定以一月爲限如果一月之內人數無增即可再留一月若有續到果係老幼殘廢方准收留其年力強壯尚可自食其力者概不准濫收統俟天氣和煖農事已興該貧民可以耕作謀食卽行分別資送遣散倘奉發銀兩不敷支用再由卑府捐廉湊發如此酌辦庶各貧民既得安身之所以免沿門乞食卽鋪

勉益齋續存稿

卷四

武昌

五

戶居民亦得清靜度歲實於富室窮民兩有裨益卑府已飭江夏縣查明賓陽門外東嶽廟武勝門外普度寺中和門外向上寺俱屬寬廠可以分起安置惟各廟均無床鋪每人應各給草薦二條以資鋪墊除再檄飭江夏縣按照廟之大小分別人數多寡諭令該貧民等各就近地搬住廟內聽候給發並揀委幹員妥議章程稽查彈壓外所有現在酌辦緣由理合稟明憲臺俯賜查核

楚北襟江帶漢素稱澤國固多水患者之往昔或數十年一次或十數年一次甚者數年一次近則自道光三年起至十三年止比歲皆然幾無虛日

朝廷之蠲緩撫賑年復一年閭閻之顛沛流離日甚一日以致議論紛起或謂堤埝廢壞修築不得法宜更改舊章或謂穴口淤填宜洩爲上策宜疏通積滯楚北官民非不知之也夫堤工猶是昔日之堤工歲修亦猶是昔日之歲修豈昔可資爲保障而今則不然蓋因江心淤墊日高堤身卑矮日甚每屆伏秋大汛動輒漫過堤頂卽如十一年水痕高於堤面六七尺十三年水痕高於堤面三四尺是其明證必須普律培厚加高方資捍衛非歲修所可抵禦也其潰口之處均屬迎溜頂冲或外灘逼近堤脚必須退挽遙堤以緩水勢設無可退挽又必須修築石磯以挑大溜或拋砌石坦以護外灘卽堤身尚未潰缺而灘岸逐漸坍塌亦必須預挽月堤防患未至非待其潰口照舊修復所可保固也至於舊有穴口原以分洩江

流其久已湮沒者無論已卽現有故道可循者或僅一線可通分流不暢或已淤成平地甚或所淤高於水面必須來源去路疏濬深通又非挑挖數尺開通數處所可疏消也近年以來歲修非不認真而普律加高培厚未能也潰口非不修復而退挽遙堤防患未至未能也非不設法疏消而來源去路一律深通未能也此其故楚北官民非不知之也無如荒歉連年蠲卹屢議商民之脂膏殆盡

國家之經費有常無米爲炊卽此救弊補偏實已竭
勉益齋續存稿

卷四 武昌

五

忠盡智勢不得不苟圖目前以冀徼幸於萬一然而工未盡善效何能期河則此空彼淤堤則東築西潰上年之災賑甫竣次年之水患復來民困日深官累日重年甚一年伊於胡底卑府悉心籌慮欲爲久安長治之謀不在更易章程而在籌備經費顧議者謂舊有借帑成案胡不仿而行之查楚北堤工向係業民自修自衛遇有工程險要民力拮据暫行借動帑銀仍向受益業民徵還歸款本屬逾格

殊恩且前此所借之款名曰按年攤徵實則逐年遞
緩卽間有未經被淹州縣亦未聞有依限如數歸還
者况現需工費百倍於前現貯欠及如前數計前不
帑銀大絀於昔是借工費之款亦必借於水災受難
帑之議不得援以爲例矣又或謂民修之工仍應勸
民捐助較爲衆擎易舉查勸捐雖屬不得已之策而
業民自保身家尚可望捐輸踴躍奈因疊年災患凡
屬被害之處均已謀食維艱其居住高阜之富戶殷
紳又多因害不切身視同隔膜地方官非不再三敦
勉益齋續存稿

卷四 武昌

五九

勸惟旣不能限以數目強其所難又未便勒定期
繩之以法勸而不寫寫而不繳均屬勢所不免所勸
之費已不敷所估之工所修之工亦可概見修不如
式與不修等一遇汎漲何能搪抵轉瞬估工籌費又
須照前勸捐彼富戶殷紳明知前此捐項已經虛糜
更慮後此歲修援爲定例較之初次勸捐尤爲掣肘
是勸捐之議又不可恃以爲常矣又或謂勸捐尚不
免偏枯按糧派土計畝出費似覺均平查有土此有
財水患之處土已被淹財於何有况

本朝糧賦最輕卽惟正之供尚且議蠲議緩而工費浩大若按糧攤派或轉數倍於正項錢糧在

聖主雖已施蠲緩之恩在窮民仍不免追比之苦且被災之戶大半逃亡卽欲追比亦無從追比是按糧派土亦有累於民矣又或謂淮西商人資本較厚應諭令捐輸以資接濟查漢岸各商向知好義況托業於此休戚相關何能漠視是以十一年卽據該商等稟捐銀十五萬兩分作三年呈繳去年復據該商等稟捐銀十萬兩現亦陸續呈繳三年以內已捐銀至勉益齋續存稿

卷四 武昌

本

二十五萬兩之多亦可謂急公矣無如合則見多分則見少各處酌撥不啻杯水車薪後此能否續捐殊難預定是商捐亦無濟於事矣卑府職司守土目擊民艱知而不言厥咎益重以目下時勢而論非江流順軌無以保

國賦民生而欲保

國賦民生宜防二者不可偏廢顧防宜堅實高厚宜暢達流通工鉅費繁旣非一二年可畢之工亦非數十萬可敷之費若任令束手待斃實自覺捫心難

安夙夜焦思殊無善策惟溯查嘉慶年間南河捐輸
土方東河豫東投効皆就近在江蘇河南藩庫交納
卽酌增常例二卯亦曾在甘肅藩庫交納楚北堤工
原與南河東河之有關漕運及甘肅之因軍需善後
者不同但潰敗決裂已至如此之極設不及早圖維
則我

國家百數萬錢糧何所從出數百萬民生何所托命
迨至民窮財盡必致風俗日下賊盜日多意外滋虞
關係猶鉅伏查道光十三年八月戶部等部議准暫

勉益齋續存稿

卷四 武昌

空

開籌脩經費事例原議俟本年五月底卽行截卯可
否援照甘肅省奏展酌增常例二卯成案續展呈限
半年由湖北藩庫報捐扣至本年十一月底爲止每
月收銀若干照捐監之例按月奏報一次其一切條
欵均照籌備經費事例辦理若謂堤工非河工軍需
可比或止准湖南湖北本籍軍民人等及現任候補
試用各官並各官之子弟就近報捐以示限制如蒙

奏懇

聖恩並請揀委熟諳工程實心任事大員分赴濱江

濱襄各府州縣會督地方官週歷確勘堤工應如何
修築水道應如何疏通以期一勞永逸分別難易平
險應緩應急開摺繪圖妥議章程勒限三年擇要次
第興辦倘捐項有餘仍報

部備撥如此辦理以楚省之財力衛楚省之民生民
生旣遂

國課自充較之頻年議蠲議賑得失似未可以數計
卑府愚昧之見是否可採伏候鈞裁

